

## Universitätsbibliothek Paderborn

**R. P. D. Ioannis Ivsti Lanspergii, Natione Bavari, Illvminati  
Ac Religiosissimi viri, Carthusiae Coloniensis ante annos  
centum Vicarii, & Magistri Nouitiorum laudatissimi Opera**

In Qvinque Tomos Distributa, à mendis expurgata, veteri integritati  
restituta, & indicibus locupletata

In Passionem D.N. Iesu Christi Homeliae quinquaginta sex, Theorematum  
viginti octo, totidemque sermones. In Monotesseron Praeterea Eivsdem  
Passionis Dominicae, iuxta Euangelistarum & historiae fidem, Elucidatio.

Conciones ad Haec Paraeneticae in praecipuis anni & Sanctorum  
festiuitatibus habitae

**Landsberg, Johannes Justus**

**Coloniae Agrippinae, Anno M.DC.XXVIIII**

Exercitium deuotissimum, quo spiritualiter cum Christo quis possit  
resurgere. Ser. II.

[urn:nbn:de:hbz:466:1-47113](https://nbn-resolving.de/urn/resolver.pl?urn=urn:nbn:de:hbz:466:1-47113)

beneficiorum contemplatione. Proinde ut spirituali gaudio cum Christo, sum Maria, cum sanctis Apostolis, cum beatis patribus, & postremo cum omnibus spiritualiter gaudentibus exultemus interiorem nostrum hominem (qui nisi in dies studio edificetur ad labefactionem sui festinat) renouemus. Quandoquidem propter hoc surrexisse Christum dicit Apostolus, *vi & nos in nouitate vite ambuemus.* Verum ad nouitatem vitae nequaquam nobis attingere licebit, nisi vetustatis sentina obstructa, hoc est, nisi generali omnium vitiorum mortificata radice. Hæc radix est, nullius non experientia teste priuatus amor, quo ad seipsum quisque inclinatus sibi plus iusto fauet, placet, fudit, semetipsum querit, præfert, defendit. Inde cum sua sibi nimium placent, aliena omnia displicant. Adeo autem pestifera est hæc radix, ut contra-ria etiam inde simul germinent *vitia*, videlicet amaritudo & adulatio. Inde etiam agitur ut qui hoc vitio laborat, iudicio careat. Nam cum tacendum sit, loquitur, cum loquendum, tacet. Aegre fert alios laudari, quia minor timeret haberi; vituperari verò alios æquanimiter sustinet, quia alijs cupit præferri. Non audet corripere, quia timeret offendere. Monere formidat, quia non vult placere. Plura adderem, ni dies hic, non obiurgationis esset, sed consolations. Circa hunc igitur priuatum amorem extirpandum vigilemus. Scrutemur, quæ in nobis vitiorum monstra generent, quas excitet concupiscentias, quos nutrit affectus, quos timores incutiat, quibus studijs oblectetur, quem sibi finem præfigat, & inueniemus procul dubio in nobis innumera prorsus *vitia*, quæ alioqui non excussis internis, sincera putabamus & sancta. Proprius enim hic amor rationem adeo fallit & obfulcat, ut in *vitia* aliena oculissimi quique sua videre nequeant. Cum autem videre definunt, cœu tempore pacis arma abiecitur, vitijs molestari se non credit, putatq; se iā passionibus subiugatis dominari, dum contra ipsi vitijs suis biectis seruant, nec sentiant se impugnari. Proinde quia sui amor semper confusum ducit secum vitiorum exercitum, & tumultum passionum (licet eadem sentiat repugnans duntaxat non victus) inquietudo & amaritudo exrunt eiusmodi hominem, necessaria est. Quando enim in Deo posit stabilis esse, qui nequit in se metipso quiccare? Quapropter circa huius mortificationem semper infistamus, si quæ *Colof. 3-* sursum sunt sapere, si quæ sursum sunt querere, si in Christo resurgere, & in eodem desideramus gaudere. Quod nobis largiarur Iesus Christus benedictus Dei filius. Amen.

## IN EADEM SOLENNITATE.

*Exercitium deuotissimum, quo spiritualiter cum Christo quis possit resurgere.* Sermo 11.

**S**i consurrexi cum Christo, quæ sursum sunt querite, ubi Christus est in dextera Dei sedens, quæ sursum sunt, si pote non que sunt super terram. Ad Colossenses III. Festivitates sanctorum fratres charissimi, cum omnium, tum præcipue sancti sanctorum, non modo ad gratulationem, verum ad imitationem quoque nos inuitant. Surrexit Christus, ei gratulamur. Surrexit propter iustificationem nostram, gaudemus pro nobis: nec tamen hoc solum est cuius hodierna nos commonet ac solennitas, Aliud quod non minus curandum

*Rom. 4.*

Collof. 3.

dum est, restat, ut nos quoque à morte cum Christo consurgamus ad vitam. Quod nisi fiat, profectò nihil proderit nobis Christum surrexisse. Huic item resurrectionis signum indicat nobis Apostolus, dicens: *Si consurreximus Christo, quæ sursum sunt, querite, &c.* Ac si dicat: Cupitis scire, cum Christo ne consurrexeritis? Perquirite, an quæ sursum sunt quæratatis, an sola illa cœlestia, non autem terrena sapientis. Inde enim discessis, vtrum in veritate an in nouitate sitis: in carne, an in spiritu. Porro resurrectionē, quod mon præcedat, nemo non intelligit. Quis enim resurgere diceretur ante nō mortuus? Moriamur ergo necesse est, ut resurgamus. Hinc etiam liquet, si resurrectio bona, mors, quæ præcedit spiritualis, erit bona: puta qua caro spiritu-liter, non spiritus moritur. Est mors, inquam, quædam laude digna, & omnibus votis optanda, quam in eadem epistola subinde Apostolus commendans: *Mortui, inquit, es̄tis, & vita vestra abscondita est cum Christo in Deo: illa tamen mors hæc veteris hominis.* Quocirca considerandum quinque esse nobis, quibus quasi quinque columnis totum veteris hominis ædificum-nititur, quæ nisi cadant, nisi mortua fuerint, nec verè resurgimus, nec quæ sursum sunt sapiemus. Hæc sunt affectus rerum temporalium, amor solan-rum, delectationum, & commodorum propriorum, impatientia aduersitatum, confusionum, tentationum & huiusmodi. Distractionum seu occupatiōnū multiplicatio, quæ est inquietudo cordis, & irresignatio propria voluntatis. Hæc ita mortificari oportet, ut iuge bellum illis indicatum, continue relucentur, propositum contrarium statuamus, auxilium innocentium diuinum: & quoties succubuerimus, mox cum gemitu propositum renou-mus, donec tandem diutina pugna quinque alias columnas ad ædificationem siue reuiscitationem spiritus in nouitatem vitæ erigamus: quæ sunt contem-putus mundi, odium sui, aduerfitatum patiātia, cordis atque oris silentium, & perfecta sui abnegatio resignatioq;. Ecce quinque sunt in nobis extirpanda, quinque rursus ædificanda. Ad hæc præter hoc quod nobis pugnantibus omni hora vsu venit, consultum foret quotidianum assumere exercitium, quo contra carnem spiritu confortato redderemur in quietiores. Proinde cùm nō sit virtus in nobis, non constantia, curramus & hauriamus de fontibus Saluatoris gratiam & virtutem. Credimus enim Christum hodie resurgentem quinque in corpore suo glorificato vulnera ceu cicatrices ad inenarrabilim fanctorum in patria lætitiam, ad immensam utilitatem electorum in viar-tinuisse. Ad illa igitur curras (iunioribus nunc loquor) quisquis opes cum eodem resurgere, illuc haurias, illinc exugas, vnde te vincere, vnde te quæ mortificare. Principio igitur ad vulnus dexteri pedis Domini Iesu accedas, & meditans eius paupertatem, quod videlicet in propria venit, & sui eum non re-cepérunt: imò quod tanquam aduena & accolain terra aliena nihil possed-rit, quod tanquam mendicus ab alijs, more humano vita necessaria accep-rit, multis (ne dicam omnibus) eguerit, gratiasq; agas eidem, atque vicem-ius charitati reddere gestiens, reignes, & offeras te eidem humiliter in v-nione paupertatis spiritus ipsius ad temporalium omnium subtractionem perferendam, ad sustinendam omnem penuriam. Veruntamen sic te regnes, ut fragilitatis propriæ ac nihileitatis haud immemor, ex illo vulnera sugge-do, ores tibi largiri virtutem à Deo, qua simul omnium temporalium vici-infun-

Collof. 3.

Quinque  
columnæ  
veteris ho-  
minis de-  
struendæ.

Quinque a-  
liæ colum-  
næ erigendæ.

Esaiae 12.

Paupertas in  
vulnere dex-  
tri pedis  
Christi lo-  
canda.  
Ioan. 1.

infundat contemptum, qua affectum tuum ita purificet, atque adeò in se trahat, vt extra ipsum tam in interiore, quam exteriore homine tuo, nihil quæras, nihil affectes, nihil intendas, nihil possideas, nec ullibi requiescas, sed ipsum purè solum diligas in omnibus & super omnia. Itaque quotiescunque te contra hoc deliquisse deprehenderis, ad hoc vulnus recurre, veniam petens, propositum bonum restaurans, & denud virtutem auxiliumq; veluti iam primum incepturns à Domino flagitans. Deinde accede ad vulnus sini- Labor & ri-  
stri pedis, gratias agens Domino Iesu pro castissima, innocentissima & san- gor vitæ  
etissima eius vita, quam in pœnitentia atferitate, in labore, in rigore, ab- Christi in  
stirientia temperantiaq; consummavit, quod carni molestius est semper eli- cius vulnere  
gens, quod altum hominibus fugiens. Itaque in vñione huius ipius virtutis constituēdi.  
resigna te illi, ad sustinendam subtractionem, seu carentiam omnium volu-  
ptatum, propriorum commodorum, honorum, consolationum, & quarum-  
cunque delectationum, quæ sunt extra Deum, aut non afficiunt secundum  
Deum in vtroque homine: fugens ex hoc vulnere, & orans tibi donari tan-  
tam castitatem, puritatemq; vt omnem delectationem impuram, quam ha-  
bes aut recipere potes, detestaris, fugias, abiicias, & ipse solus sit delectatio tua  
castissima: castissima, inquam, ne vel in ipso aliter, quam propter ipsum de-  
lesteris. Inueniuntur enim, qui delectationibus terrenis renunciant, & dele-  
ctiones querunt diuinæ: idq; properea magis, quoniam delectatio ipsa  
spiritualis optata ac dulcis est, quam vt per hanc ipsi cupiant conenturq; Do-  
mino esse fideliiores, seipso non Dominum in hoc querentes. Quippe, quo-  
niam dona preferunt datori. Ceterum, tu quicquid contra huiusmodi inā  
resignationem deliqueris, in huius vulneris fonte eluas, propositum primū  
roties renouando, quoties neglexeris. Ad tertium vulnus, quod est dextræ  
manus, accedens, gratias age Domino Iesu pro ineffabili eius patientia, qua Patientia in  
in exteriore homine persecutiones, ignominiam, contemptum, iniurias, cō- vulnere dex-  
rumpilias, corporis dolores, tormentaq; acerbissima: in interiore verò tristi-  
tiam, paorem, angustiam, compassionem pressuramq; tulerit. In vñione Christi col-  
huius patientiæ & longanimitatis eius, resignate illi ad perferendas contu-  
melias, iniurias, humiliaciones, opprobria, infirmitates, & cæteras quaslibet  
aduersitates, propriæ tamen imbecillitatis semper memor: fugas ex hoc sa-  
cro vulnere, & petas tibi dari humilitatis & patientiæ perfectam virtutem,  
quibus longanimitè cuncta ad laudem & beneplacitum eius feras, ipsum  
solum pressuræ tuæ inspectorem & consolatorem expectans. Quartum vul-  
nus post hæc sinistræ manus eius introeas, & gratias age eidem Christo Iesu Humilitas  
pro incomprehensibili eius humilitate, tranquillitate, simplicitate ac pau- in vulnere  
pertate spiritus: quam & in agendo & in patiendo seruauit. Nam cum his, qui finistræ ma-  
oderant pacem, erat pacificus & sicut agnus mansuetus ad victimam, & sicut o- nus Christi  
uis ad occisionem ductus ad mortem obmutuit, nec aperuit os suum. Cùm locanda,  
malediceretur, non maledicebat, quum pateretur non comminabatur. Tradebat au- Psal. 119.  
tem se iudicanti iniuste, tortoribus suis non solum non indignans, sed etiam Luc. 4.  
miserationis affectum impendens, atque apud patrem illos tam oratione,  
quam excusatione commendans. Statue igitur & tu, dum aliquid sustinueris, non ad homines, sed ad ordinationem diuinam respicere, nec homini, sed tuis peccatis quod molestaris imputare: illudquæ quod pateris haud

Ddd

haud secus, ac de manu Domini suscipere, internum externumque silentium possidere, nemini alteri, quam Deo (nisi consilij fieret causa) super hoc conqueri. Sic statue in amico tuo, ad hoc te resigna, videlicet velle erga eos quae offendunt, aut malè tibi volunt, benevolentiam & benignitatem ostendere, nec eis malum imputare: fugens & orans ex hoc vulnere tibi donari misericordia & mansuetudinis virtutem, qua inter omnes euentus & ad omnes homines pacem queas & tranquillitatem seruare: quae tibi & quae alijs sunt, cuncta in simplicitate cordis boni consulere, neminem iudicare, cor liberum ad amaritudine & suspicione seruare, qualitercumque tecum fuerit actum, sine querulatione contentum esse, exclusis omnibus anxietate & occupatione utili, cor nulli creaturæ implicare. O si quis in tali silentio & simplificatione cordis quiesceret, qui sic in cunctis diuinam prouidentiam intelligens, omnia de manu eius acciperet, in semetipso & cum omnibus hominibus magnam proculdubio pacem possideret, nec contrarium illi vñquam fieret. Postridem, gazophilatum omnium gratiarum, cor videlicet suauissimum Dñi fulcruingredere, in quo nobis quintū vulnus aperuit: ad quod oēs invitat, oēs recipit, omnes brachijs amoris sibi adstringit. Hic age illi gratias pro suabatione & perfectissima obedientia, qua patri factus obedientis vñque ad mortem, vbiique se in eiusdem voluntatem resignauit: quippe qui non sua, sed quae patris sunt, quarebat. In vñione huius obedientiae resignes te omnimodis ad perfectam abnegationem in prosperis & aduersis, in proprijs & alienis, in amando & patiendo, in habendo & amittendo, in tempore & aeternitate, vt semper stes in ipso per plenam relictionem & egressionem tuipius, ad nutrum & omne eius beneplacitum resignatus, & optans non aliud, nec aliud, nec aliter in te & in alia qualibet creatura fieri, quam quod illi summe fuerit placens: vt semper vñnam velle idemque nolle cum illo possideas. Quid ut possis, toto spiritu ex hoc vulnere fugas, petens hanc perfectissimam abnegationis & deiformis voluntatis virtutem tibi donari. Qui hoc modo in Christi se exerceret & vulneribus quotidie, cum Christo aliquando in interiori homine resurgeret. Verum dicit aliquis: Quotidie mihi instituo legem, quotidie me reprehendo, gemo, plango, oro quotidie, nec tamen quo meipsum vincere, eosdem in me defectus reperio. Quid igitur hoc mihi confert exercitium, cuius non sentio fructum? Confert profectō plurimum, quia virtutum imperfectiones virtiag, maximē naturalia, tametsi haud quam penitus extirpare possumus, faci mus tamen renitendo, ne penitus nostri dominentur. Itaque redigimus ea sub tributo, vt non modo non noceant, verum etiam profectui nostro seruant: & pugnam, quam cum illis gerimus, gloriæ potius sit, quam ruina. Longo etenim nimis interuallo distant, is qui bellum quotidie contra se instruit, se plangendo & Deum contra se inuocando quamvis fortassis raro aut nunquam plene se vincat, & è regione is, qui naturalibus inclinationibus suis quietus seruit. Nam ille quantislibet etiam defectibus molesteretur (& quos fortassis, nisi per mortem non extuet) sub minore est tamen periculo, quam hic qui perinde ac securus nunquam emendat, quod nunquam plangit. Ille et si aliquando tamen rarius peccat, cadit leuius, resurgit faciliter, stabit firmius, vincet celerius: hic verò non solum cadit, verum etiam per in defectibus supinus iacet, & interim sibi stare atque incolamus videatur.

Obedientia  
in vulnere  
cordis Christi  
collo-  
canda.  
Phil. 2.

Ioan. 7.

detur. Vnde fit vt illius culpa facile vno gemitu eluatur, vt potè quam ante & post conflictum temptationis auersatus, neque ex affectu, neque dedita opera, sed infirmitate vietus admisit: hic verò cùm nunquam ex animo verè detestetur hæc leuiora peccata ( tametsi perfunctoriam frigidamque de illis forsan faciat confessionem ) neque delet admissa, neque cauet admittenda. Quapropter charissimi fratres non prætergrediamur quæso peccata nostra cæcutiētibus oculis tanquam leua. Si quidem nullum leue est peccatum, nisi quod leue non æstimatur, nullum remissibile, nisi quod emendatur, aut emendandum proponitur. Itaque vt peccata nostra corrigamus, vitia, quæ sunt peccatorum radices, mortificemus, repugnando, vim nobis inferendo, auxilium diuinum implorando, post lapsum semper propositum pristinum renouando, nulla temptationis importunitate pugnam deferendo, nulla difficultate desperando, nec in nobis, sed in adiutorio & protectione altissimi habitando, ex vulneribus Christi Iesu tutelam atque pugnandi virtutem quærendo: & sic tandem cum Christo in nouitate vitæ resurgemus, sapientes quæ sursum sunt, non quæ super terram. Eduebus namque unum certissimum nobis sperandum est, ut fideliter certantibus, aut in hac vita, aut circa egessum animæ plena detur de vitijs victoria, per Dominum nostrum Iesum Christum, qui cum Patre & Spiritu sancto viuit & regnat Deus in secula benedictus, Amen.

## IN EADEM SOLENNITATE.

*Quomodo mori, quomodo uenire in nouitate vita oportet nos ambulare?*

Sermo III.

**S**icut Christus resurrexit à mortuis per gloriam Patris, ita & nos in nouitate vita ambulemus, ad Romanos VI. Charissimi non hodie tantum, sed omni tempore sumus nos admonendi, vt in nouitate vite ambulemus. Si quidem seculo abrenunciantes, quid aliud fecimus, quam quod veterem nostram vitam vitijs subiectam habuimus exosam, quod ipsi nobis displicuimus, quod à nobis, hoc est, à malis moribus, à peccatis, à vitijs maluimus recedere, & ad Christum conuersi, eundem sequi ac imitari. Hoc itaque propositum nobis fuit, quando monasterium sumus ingressi, si tamen verum atq; sanctum hoc nobis propositum fuit, hoc est, si Dei amor huc nos traxit, vt vita vitorum, vita corruptionis ( quæ mors potius est dicenda quam vita ) reliqua spretaq; deinceps in nouitate vita ambulemus. Non tamen huic iam proposito satisfactum est fratres, propterea quod in monasterio viuimus ecclio inuestiti: sed tota potius vita nostra omnique tempus huic studio impendendum est, quo veteribus vitijs atque defectibus correctis, semper & ad anteriores, hoc est, perfectiora anhelemus, semperq; nobisipsis inueniamur meliores. Proinde quotidie omniq; hora renouamini spiritu mentis vestra, noua Tempor in resemper deuotione, nouo feroce priora, id est, imperfectiora relinquentes, ad ligioso quæ perfectiora vos extendite. Heu fratres charissimi, non inueniatur in nobis sit damnatio rapiditas illa, sanctitatis omnis aduersaria, pietatis destrutrix, quæ in nonnullis monachis reperitur, quod à solo peccati mortali volunt continere:

Ddd. 2

Ideo

Ephes. 4.